



PRENTSA OHARRA

CARITAS EUSKADIK 34.500 ONURADUN BAINO GEHIAGO ARTATU DITU 2025EAN, ETA OHARTARAZI DU BAZTERKETA-FAKTORE NAGUSI GISA SENDOTU DELA ETXEBIZITZA

Vitoria-Gasteiz, 2026ko ekainaren 3a

2025ean, pobreziak eta gizarte-bazterkeriak ukitutako 34.569 pertsonak osaturiko 17.077 etxeren bidelagun izan da Caritas Euskadi Araban, Bizkaian eta Gipuzkoan. Gainera, 4.561.979,38 euroko zuzeneko laguntza ekonomikoak bideratu ditu oinarrizko premietarako, etxebizitzarako, hornigaietarako eta beste funtsezko laguntza batzuetarako, eta egunez egun lurralde osoan harrera- eta akonpainamendu-sare zabal bat sostengatzen duten 3.301 boluntarioren konpromisoa izan du.

2025ean lagun egin zaien pertsonak eta etxeak

Caritas **Bizkaiaren** ekintzari esker, **9.104 etxeren (14.616 pertsona)** alboan izan ginen. **Gipuzkoan, 4.065 etxetan (10.183 pertsona)** esku hartu genuen. **Arabian, 3.908 etxeri** eman zitzaizen akonpainamendua; hain zuzen, **9.770 pertsonari**. Oro har, **17.077 etxetan** izan zen **Caritas Euskadiren** sarea, pobrezia-egoeran eta gizarte-bazterkerian dauden **34.569 pertsonaren** alboan.

Zuzeneko laguntza ekonomikoak (2025)

Gipuzkoan, zuzeneko laguntza ekonomikoak **2.278.134,00 €**-koak izan dira. Bizkaian, ostera, zuzeneko laguntza ekonomikoak **1.719.374,55 €**-koak izan dira. Eta, Araban, **564.470,83 €**-koak.

Guztira, Caritas Euskadik **4.561.979,38 €** bideratu ditu zuzeneko laguntza ekonomikoetara.

Gizarte-bazterketa gero eta konplexuagoa eta luzeagoa

Caritas Euskadi datu argi batekin iritsi da 2026ko Corpus egunera: gizarte-bazterkeria gero eta konplexuagoa, biziagoa eta luzeagoa da, estatuko batezbestekotik gorako adierazleak dituen lurralde honetan ere bai. Urtean zehar artatu dugun errealitateak berresten duenez, ez da nahikoa susperraldiaz edo hobekuntza makroekonomikoaz aritzea, gizarteratze prekarioko egoerak gero eta ugariagoak badira eta milaka pertsonak zailtasunak badituzte oraindik oinarrizko eskubideak erabiltzeko, hala nola etxebizitza, osasuna eta behar adinako gizarte-babesa.



2025ean, askotariko egoera zaurgarriak bizi dituzten pertsona eta familien ondoan jarraitu du Caritas Euskadik; etxebizitzaren ezegonkortasuna, hauskortasun emozionala, diru-sarrereren eskasia eta eguneroko bizimodu duin bati eusteko zailtasuna dira horietako egoera batzuk. Caritasek azpimarratzen duenez, testuinguru horretan bazterketa ez du enplegu faltak bakarrik eragiten. Izan ere, artatutako pertsonetako askok enplegarritasunean zentratzen diren erantzunak baino gehiago behar duten oztupoak dituzte administrazioaren, harremanen, bizitokiaren eta osasunaren esparruetan.

Enplegua dagoeneko ez da nahikoa gizarte-inklusiua bermatzeko

Caritas Euskadik ohartarazi duenez, oro har enpleguan zentratutako politika publikoek ez dituzte kontuan hartzen lan-merkatuan bete-betean inoiz integratuko ez diren pertsonak eta, lan egin arren, egoera oso ahulean daudenak. Horrenbestez, eskubide eta premia errealetan oinarritutako ikuspegi bat eskatzen du, ekoizpen-ahalmena baino gehiago aintzat hartzen duena.

Baztertzeko-faktore gisa sendotu da etxebizitza

Pertsonak baztertzen dituen elementu nagusia da berriro ere etxebizitza. Bizi izateko toki duin baterako sarbidea da oraindik ere botila-lepo handienetariko bat pertsona eta familia askorentzat; bereziki, erroldan sartzeko zailtasunak, alokairu-kontratu irregularrak, logelen alokairuak, azpierrentamenduak eta gizarteratzea oztopatzen duten etxebizitza faltaren testuinguruak daudenean.

Horrez gainera, kezka berezia eragiten dute adingabeak dituzten etxebizitzarik gabeko familiek eta bizitoki eskasetan daudenek. Errealitate horrek erakundeen koordinazio handiagoa eta bizitoki-baliabide egoki gehiago eskatzen ditu.

Eskasiak eta ziurgabetasunak osasun mentalari eragiten diote

Eskasiak osasun mentalean dituen ondorio negatiboak izan dira aurtengo erronka nabarmenetariko bat. Ziurgabetasunaren, bakardadearen, burokraziaren, ezegonkortasun ekonomikoaren eta bizi-proiektu egonkorrik eduki ezin izatearen ondoriozkoak dira ondoez psikologiko ugari.

Arazo sozial horiek medikazioarekin konpondu nahi izatearen arriskuaz ohartarazi du Caritas Euskadik. Izan ere, gero eta arrakala handiagoa dago tratamenduak jaso eta laguntza espezializatuak eskuratu ditzaketen pertsonen eta horretarako baliabiderik ez dutenen artean.



Familiak, gazteak eta migratzaileak: errealitate arriskutsuenak

Sarritan ikusten ez diren errealitateei aurpegia jarri die 2025ean emandako arretak. Adingabekoen ardura duten familiak, migratzaileak eta gazteak dira erantzun doitu, jarraitu eta gertukoak behar dituzten kolektiboetarikoz batzuk, prekaritate ekonomikoa, bizitoki-ahultasuna, bakardadea eta etorkizunarekiko ziurgabetasuna modu bereziki bizian jasaten baitituzte.

Loturak zaintzea eta komunitatea eraikitzea: lehentasun soziala

Esparru horretan, Caritas Euskadik azpimarratu du laguntza soziala ezin dela mugatu prestazioak indartzera. Izan ere, paradigma aldatu behar da, zaintza, interdependentzia eta komunitatearen eraikuntza oinarri hartuta. Komunitatea inklusibo eginez, kohesio soziala indartuko da, eta eskakizun eta sistema zurrunezkoen erruz milaka pertsonak ikusezin izaten jarraitzea saihestuko da.

Boluntarioak

Boluntarioak dira Caritas Euskadiren komunitate-ekintzaren motorra. Ehunka eta ehunka boluntarioren parte-hartzeari esker, kohesio soziala indartu eta pertsona bakoitzaren duintasuna erdigunean jartzen duten gertutasuneko entzute- eta akonpainamendu-sareak sortzen ditugu, modu horretan gizarte justu, gizatiar eta inklusiboago bat eraikitzeko.

Lurraldeka, **Gipuzkoan 861** boluntario hari dira lanean; haietatik **% 35 gizonezkoak** dira, eta **% 65 emakumezkoak**. **Bizkaian, aldiz, 1.805** boluntariok osatzen dute sarea; **% 23** gizonezkoak dira, eta **% 77** emakumezkoak. Eta **Araban 635** pertsona aritzen dira boluntario-lanetan, **% 13** gizonezkoak eta **% 87** emakumezkoak.

Informazio gehiago:

Mercedes Escribano Abad

945 23 28 50 – 688 71 37 87 comunicacion@caritasvitoria.org

caritasvitoria.org
